

Hysbysiad Preifatrwydd – Teledu Cylch Cyfyng (ac, mewn rhai achosion, recordiad sain) (CCTV), Camerâu a Wisgir ar y Corff (BWC), Camerâu Adnabod Platiau Rhif Awtomatig (ANPR), a Recordio Galwadau Ffôn

Mae gan rai o'n lleoliadau a'n safleoedd systemau CCTV ac efallai y cewch eich recordio pan fyddwch yn ymweld â nhw. Gallwn gasglu gwybodaeth yn awtomatig os byddwch yn cerdded / gyrru heibio ein cerbydau a / neu safleoedd lle mae ein CCTV yn gweithredu. Gallwn gasglu recordiadau fideo a lluniau llonydd sy'n cynnwys chi os ydych ym maes gwelediad unrhyw ran o'n system CCTV. Gall y wybodaeth bersonol hon gynnwys eich gweithgareddau, eich wyneb, eich llais, manylion cofrestru car a gwybodaeth weledol arall amdanoch chi a gaiff ei recordio ar ein system CCTV. Os bydd camerâu CCTV yn gweithredu, dangosir arwyddion yn glir.

Mae gan nifer gynyddol o fysiau ysgol systemau CCTV (ac mewn rhai achosion system recordio sain). Mae'r cyngor yn gweithio gyda darparwyr cludiant ac ysgolion er mwyn sicrhau y caiff y rhain eu gweithredu'n gyfreithlon ac mewn ffordd sy'n ein galluogi i gael tystiolaeth am ddigwyddiadau y rhoddwyd gwybod amdanynt a delio â nhw'n briodol.

Mae rhai aelodau o'n staff a swyddogion gorfodi yn gwisgo camerâu a wisgir ar y corff (BWC). Nid yw camerâu a wisgir ar y corff yn recordio drwy'r amser. Rhaid i'r un sy'n gwisgo'r camera ei droi ymlaen (er enghraifft mae'r aelod o staff yn destun cam-drin geiriol neu'n cael ei fygwth gan drais). Mae polisïau ar waith sy'n sicrhau eu bod bob amser yn rhybuddio aelod o'r cyhoedd pan fyddant yn gwneud hynny.

Ffurf ar CCTV yw ANPR sy'n monitro platiau rhif cerbydau. Mae ar waith ar hyn o bryd ar ein safleoedd amwynder dinesig.

Caiff galwadau i'n Canolfan Gyswilt eu recordio. Mae ein gwefan yn eich hysbysu am hyn ac yn nodi am ba hyd rydym yn cadw'r recordiadau hyn.

1. Pam rydym yn casglu ac yn cadw eich gwybodaeth bersonol?

Rydym yn casglu ac yn defnyddio eich gwybodaeth bersonol fel y gallwn ddarparu ystod o wasanaethau megis y rhai canlynol, ond heb fod yn gyfyngedig iddynt:

- Parcio oddi ar y stryd
- Biniau, ailgylchu a chasglu gwastraff
- Troseddau a diogelwch y cyhoedd
- Gweithgareddau hamdden a diwylliannol
- Cludiant
- Claddu ac amlosgi

Bydd gan bob maes gwasanaeth ei sail gyfreithiol benodol ei hun, a'i ofynion cadw, ffynonellau data, datgeliadau a hawliau diogelu data cymwys ei hun

Rydym yn casglu ac yn defnyddio eich gwybodaeth bersonol fel y gallwn:

- Ddiogelu iechyd a diogelwch cyflogeion, cwsmeriaid ac aelodau o'r cyhoedd
- Cydymffurfio â rhwymedigaethau amddiffyn plant, honiadau a chwynion
- Rheoli ymddygiad diogel ar gludiant ysgol, diogelu teithwyr a gyrwyr
- Rheoli ac ymchwilio i honiadau, cwynion, troseddau a digwyddiadau
- Rhwystro, atal a chanfod twyll a throsedd, ymddygiad gwrthgymdeithasol, difrod troseddol, anhrefn cyhoeddus, ymddygiad anghyfreithlon ac ymddygiad amhriodol
- Hwyluso'r broses o ddal ac erlyn troseddwr
- Cefnogi'r broses o ddod â throseddwr o flaen eu gwell a gwella diogelwch cymunedol
- Rhwystro, lleihau, atal a chanfod trosedd amgylcheddol
- Monitro traffig amser real
- Cynllunio a rheoli adnoddau a nodi anghenion hyfforddi
- Rheoli cofnodion
- Adolygu a gwella gwasanaethau presennol ac ystyried datblygu gwasanaeth
- Lleihau'r achosion o ddwyn ceir neu ddwyn rhywbeth ohonynt mewn meysydd parcio
- Monitro diogelwch adeiladau a safleoedd, helpu i leihau troseddau, ymddygiad gwrthgymdeithasol ac ofn troseddau ar ein safleoedd
- Gorfodi rheolau a rheoliadau traffig a pharcio gan gynnwys cyhoeddi hysbysiadau cosb benodedig
- Cefnogi'r broses o reoli a gweithredu ein rhwydweithiau ffyrdd yn effeithlon
- Darparu gwasanaethau cyhoeddus a monitro a gwella perfformiad y Cyngor
- Cyfathrebu a darparu gwasanaethau priodol
- Bodloni ein rhwymedigaethau cyfreithiol
- Cynnal dadansoddiad ystadegol o ddata er mwyn cynllunio'r gwasanaethau a ddarperir
- Cefnogi'r broses o gadarnhau, ymarfer neu amddiffyn hawliadau cyfreithiol ac yswiriant

Caiff eich data eu prosesu am un neu fwy o'r rhesymau canlynol:

- Am fod angen gwneud hynny er mwyn cyflawni contract
- Am fod gennym rwymedigaeth gyfreithiol i wneud hynny
- Mae prosesu yn angenrheidiol er mwyn diogelu buddiannau hollbwysig testun data neu berson arall
- Am fod angen gwneud hynny er mwyn cyflawni'r dasg hon
- Am fod angen gwneud hynny at ddibenion buddiannau cyfreithlon

2. Sut y caiff gwybodaeth amdanoch chi ei defnyddio.

Caiff y wybodaeth ei phrosesu yn unol â'r Rheoliad Cyffredinol ar Ddiogelu Data 2016 a Deddf Diogelu Data 2018. Gweithredir unrhyw system yn unol â'r 12 egwyddor arweiniol a nodir yng Nghod Ymarfer Camerâu Gwyliadwriaeth 2013, ac o dan Ddeddf Diogelu Rhyddidau 2012, a chaiff ei rhoi ar waith yn unol â Chod Ymarfer CCTV Swyddfa'r Comisiynydd Gwybodaeth.

Mae gennym ddyletswydd i ddiogelu'r arian cyhoeddus a weinyddwn a gallwn ddefnyddio'r wybodaeth a gesglir i rwystro a chanfod twyll. Gallwn hefyd groeswrio'r wybodaeth â gwasanaethau ac adrannau eraill yng Nghyngor Sir Penfro a'n partneriaid lle y bo'n briodol i ni wneud hynny.

Byddwn hefyd yn gwneud unrhyw ddatgeliadau sy'n ofynnol yn ôl y gyfraith a gallwn hefyd rannu'r wybodaeth hon â chyrff eraill sy'n gyfrifol am ganfod/rhwystro twyll/trosedd neu am archwilio/gweinyddu cyllid cyhoeddus er mwyn sicrhau bod arian yn cael ei dargedu a'i wario yn y ffordd fwyaf priodol a chosteffeithiol. Er mwyn cyflawni hyn, gall gwybodaeth gael ei rhannu ag adrannau mewnol eraill yng Nghyngor Sir Penfro a gydag Archwilydd Cyffredinol Cymru.

Dim ond pan fydd rhwymedigaeth gyfreithiol arnom i wneud hynny y byddwn yn rhannu deunydd CCTV, neu lle y cawn ganiatâd i wneud hynny o dan eithriadau yn y Rheoliad Cyffredinol ar Ddiogelu Data 2016 a Deddf Diogelu Data 2018 - er enghraifft er mwyn rhwystro neu ganfod troseddau. Lle y rhennir y wybodaeth hon, byddwn hefyd yn cadw copi os ceir digwyddiad difrifol neu fawr neu lle y byddai'n briodol gwneud hynny.

Ni fyddwn yn gwneud unrhyw ddatgeliadau i drydydd partïon at ddibenion marchnata.

Ym mhob achos gwneir hyn lle mae sail gyfreithiol o dan yr amodau a nodir yn y Ddeddfwriaeth Diogelu Data. Cefnogir hyn gan Gytundebau Rhannu Data lle mae hyn yn arfer gorau.

3. Am ba hyd y byddwn yn cadw eich gwybodaeth?

Dim ond pan fydd angen gwneud hynny y byddwn yn edrych ar ddeunydd CCTV (er enghraifft, i ganfod neu rwystro trosedd) a chaiff y deunydd ei storio am gyfnod penodol o amser.

Mae systemau recordio yn galluogi data i gael eu storio yn dibynnu ar faint y data a gipiwyd ac oriau gweithredu'r system. Os hoffech gael rhagor o wybodaeth am hyn, cysylltwch â dataprotection@pembrokeshire.gov.uk.

Ni chaiff delweddau a ffilmwyd gan CCTV eu cadw am fwy o amser nag sydd ei angen. Fodd bynnag, ar adegau, efallai y bydd angen cadw'r delweddau am fwy o amser, er enghraifft os ymchwilir i drosedd, i ymchwilio i achos o fynediad diawdurdod at ddata neu i gydymffurfio â gofynion cyfreithiol. Gall y cyfnod hwn amrywio gan y bydd yn dibynnu ar amgylchiadau'r achos penodol, ond ar gyfer achosion cyfreithiol troseddol neu sifil gallai hyn olygu bod y wybodaeth bersonol yn cael ei chadw nes bod yr achos cyfreithiol ac unrhyw apeliadau wedi dod i ben, a all fod yn flynyddoedd lawer. Dim ond am yr isafswm cyfnod sydd ei angen y caiff ei chadw a chaiff ei gwaredu'n ddiogel pan na fydd ei hangen mwyach.

Ym mhob achos, caiff eich gwybodaeth bersonol ei dinistrio'n ddiogel unwaith y daw'r cyfnodau cadw a ddisgrifir uchod i ben. Os hoffech gael gwybodaeth fanylach am ein cyfnodau cadw cysylltwch â dataprotection@pembrokeshire.gov.uk.

4. Mynediad i fy ngwybodaeth bersonol?

Gallwch ddarganfod a ydym yn cadw unrhyw wybodaeth bersonol drwy wneud cais am fynediad at ddata gan y testun o dan y Rheoliad Cyffredinol ar Ddiogelu Data 2016 a Deddf Diogelu Data 2018. Er mwyn gwneud cais am unrhyw wybodaeth bersonol y gallem fod yn ei chadw amdanoch, mae angen i chi gysylltu â'r canlynol:

Tîm Mynediad at Gofnodion
Cyngor Sir Penfro

5. Eich Hawliau.

O dan y Rheoliad Cyffredinol ar Ddiogelu Data 2016 a Deddf Diogelu Data 2018, mae gennych hawliau fel unigolyn y gallwch eu hymarfer mewn perthynas â'r wybodaeth a gadwn amdano chi. Ni fydd pob hawl yn gymwys a bydd yn dibynnu ar y sail gyfreithiol dros brosesu eich data.

- Yr hawl i gael eich **Hysbysu** – mae gan unigolion yr hawl i gael eu hysbysu am ddata personol amdanynt sy'n cael eu casglu a'u defnyddio. Mae hwn yn ofyniad tryloywder allweddol o dan GDPR
- Yr hawl i **Fynediad** – mae gennych yr hawl i ofyn am fynediad i'r wybodaeth a gadwn amdano chi, a chopi ohoni
- Yr hawl i **Gywiro** – mae gennych yr hawl i ofyn am i'ch gwybodaeth gael ei chywiro
- Yr hawl i **Ddileu** – nid yw hon yn hawl absoliwt a bydd yn dibynnu ar y rheswm dros brosesu eich gwybodaeth bersonol
- Yr hawl i **Gludadwyedd Data** – mae hyn ond yn gymwys i brosesu data a gyflawnir drwy gyfrwng awtomataidd
- Gall yr hawl i **Gyfyngu** ar brosesu fod yn gymwys – gallwch ofyn i ni roi'r gorau i brosesu eich data personol. Fodd bynnag, gall hyn oedi neu ein rhwystro rhag darparu gwasanaeth i chi. Byddwn yn ceisio cydymffurfio â'ch cais ond gall fod yn ofynnol i ni gadw neu brosesu gwybodaeth er mwyn cydymffurfio â'n dyletswyddau cyfreithiol
- Yr hawl i **Wrthwynebu** – nid yw hon yn hawl absoliwt a bydd yn dibynnu ar y rheswm dros brosesu eich gwybodaeth bersonol.
- Yr hawl i **beidio â bod yn destun proses gwneud penderfyniadau awtomataidd a phroffilio**

6. Cwynion neu Ymholiadau.

Mae Cyngor Sir Penfro yn ymdrechu i gyrraedd y safonau uchaf wrth gasglu a defnyddio gwybodaeth bersonol. Am y rheswm hwn, rydym yn cymryd unrhyw gwynion a gawn am hyn o ddifrif. Rydym yn annog pobl i ddwyn rhywbeth i'n sylw os ydynt yn credu bod y ffordd rydym yn casglu neu'n defnyddio gwybodaeth yn annheg, yn gamarweiniol neu'n amhriodol.

Nid yw'r hysbysiad preifatrwydd hwn yn rhoi manylion cynhwysfawr am bob agwedd ar ein proses o gasglu a defnyddio gwybodaeth bersonol. Fodd bynnag, rydym yn fodlon darparu unrhyw wybodaeth ychwanegol neu esboniad sydd ei angen. Dylai unrhyw geisiadau o'r fath gael eu hanfon i'r cyfeiriad isod:

Jo Hendy, Swyddog Diogelu Data
Cyngor Sir Penfro

Neuadd y Sir
Hwlfordd
SA61 1TP

E-bost: dataprotection@pembrokeshire.gov.uk
Ffôn: 01437 764551

Os hoffech wneud cwyn am y ffordd rydym wedi prosesu eich gwybodaeth bersonol, gallwch gysylltu â Swyddfa'r Comisiynydd Gwybodaeth fel y corff statudol sy'n goruchwyllo cyfraith diogelu data:

Swyddfa'r Comisiynydd Gwybodaeth
Wycliffe House
Water Lane
Wilmslow
SK9 5AF

E-bost caseworker@ico.org.uk Rhif ffôn: 0303 123 1113

7. Newidiadau i'r hysbysiad preifatrwydd hwn.

Rydym yn adolygu ein hysbysiad preifatrwydd yn rheolaidd. Cewch eich annog i edrych am y fersiwn ddiweddaraf o'r hysbysiad preifatrwydd hwn yn rheolaidd.